

2016 Rhif (Cy.)

**GOFAL CYMDEITHASOL,
CYMRU**

**Rheoliadau Gofal Cymdeithasol
Cymru (Cyfansoddiad Paneli:
Personau Rhagnodedig) 2016**

NODYN ESBONIADOL

(Nid yw'r nodyn hwn yn rhan o'r Rheoliadau)

Sefydlwyd Cyngor Gofal Cymru ("y Cyngor") gan Ran 4 o Ddeddf Safonau Gofal 2000 at ddibenion hybu safonau ymddygiad ac ymarfer uchel ymhlith gweithwyr gofal cymdeithasol a hybu safonau uchel yn eu hyfforddiant.

Mae Deddf Rheoleiddio ac Arolygu Gofal Cymdeithasol (Cymru) 2016 ("y Ddeddf") yn ailenwi'r Cyngor yn Ofal Cymdeithasol Cymru ("GCC"), yn ailddatgan ac yn addasu swyddogaethau gwreiddiol GCC ac yn rhoi swyddogaethau ychwanegol iddo.

Mae adran 174 o'r Ddeddf yn ei gwneud yn ofynnol i GCC wneud rheolau i sefydlu paneli apelau cofrestru, paneli addasrwydd i ymarfer a phaneli gorchmynion interim. Mae adran 174(5)(a) o'r Ddeddf yn cynnwys rhestr o bersonau na chaniateir iddynt fod yn aelodau o banel.

Mae'r Rheoliadau hyn wedi eu gwneud o dan adran 174(5)(b) o'r Ddeddf, sy'n rhoi'r pŵer i Weinidogion Cymru i ragnodi personau ychwanegol na chaniateir iddynt fod yn aelodau o banel.

Mae rheoliad 3 a pharagraff 1 o Atodlen 1 yn rhagnodi, at ddibenion adran 174(5)(b) o'r Ddeddf, y personau na chaniateir iddynt fod yn aelodau o unrhyw banel apelau cofrestru; mae paragraff 2 o Atodlen 1 yn rhagnodi personau ychwanegol na chaniateir iddynt fod yn aelodau o banel apelau cofrestru yr atgyfeirir mater penodol iddo. Mae rheoliadau 4 a 5 ac Atodlenni 2 a 3 yn ôl eu trefn yn gwneud darpariaeth debyg mewn perthynas â phaneli addasrwydd i ymarfer a phaneli gorchmynion interim.

Ystyriwyd Cod Ymarfer Gweinidogion Cymru ar gynnal Aseidiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.

NEU

Ystyriwyd Cod Ymarfer Gweinidogion Cymru ar gynnal Aseidiadau Effaith Rheoleiddiol mewn perthynas â'r Rheoliadau hyn. O ganlyniad, lluniwyd asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn. Gellir cael copi oddi wrth: Yr Adran Iechyd a Gwasanaethau Cymdeithasol, Llywodraeth Cymru, Parc Cathays, Caerdydd, CF10 3NQ.

Drafft 2

2016 Rhif (Cy.)

**GOFAL CYMDEITHASOL,
CYMRU**

**Rheoliadau Gofal Cymdeithasol
Cymru (Cyfansoddiad Paneli:
Personau Rhagnodedig) 2016**

Gwnaed ***

*Gosodwyd gerbron Cynulliad Cenedlaethol
Cymru* ***

Yn dod i rym ***

Mae Gweinidogion Cymru, drwy arfer y pwerau a roddir gan adrannau 174(5)(b) a 187(1)(b) o Ddeddf Rheoleiddio ac Arolygu Gofal Cymdeithasol (Cymru) 2016(1), yn gwneud y Rheoliadau a ganlyn:

Enwi, cychwyn a chymhwyso

1.—(1) Enw'r Rheoliadau hyn yw Rheoliadau Gofal Cymdeithasol Cymru (Cyfansoddiad Paneli: Personau Rhagnodedig) 2016.

(2) Daw'r Rheoliadau hyn i rym ar [...].

(3) Mae'r Rheoliadau hyn yn gymwys o ran Cymru.

Dehongli

2. Yn y Rheoliadau hyn—

ystyr “CNB” (“*NMC*”) yw'r Cyngor Nyrsio a Bydwreigiaeth a sefydlwyd gan erthygl 3 o Orchymyn Nyrsio a Bydwreigiaeth 2001(2);

ystyr “y Ddeddf” (“*the Act*”) yw Deddf Rheoleiddio ac Arolygu Gofal Cymdeithasol (Cymru) 2016;

ystyr “mater” (“*matter*”) yw'r pwnc neu'r pwynt y mae panel a sefydlir o dan adran 174(1) o'r

(1) 2016 dccc 2.
(2) O.S. 2002/253.

Ddeddf yn arfer unrhyw swyddogaeth mewn cysylltiad ag ef;

mae i “paneli addasrwydd i ymarfer” (“*fitness to practise panels*”) yr ystyr a roddir yn adran 174(1)(b) o’r Ddeddf;

mae i “paneli apelau cofrestru” (“*registration appeals panels*”) yr ystyr a roddir yn adran 174(1)(a) o’r Ddeddf;

mae i “paneli gorchmynion interim” (“*interim orders panels*”) yr ystyr a roddir yn adran 174(1)(c) o’r Ddeddf;

mae i “person cofrestredig” (“*registered person*”) yr ystyr a roddir yn adran 164 o’r Ddeddf.

Personau rhagnodedig - paneli apelau cofrestru

3. Mae person a bennir yn Atodlen 1 wedi ei ragnodi(1) at ddibenion adran 174(5)(b) o’r Ddeddf i’r graddau—

- (a) ym mharagraff 1 o Atodlen 1, na chaiff y person fod yn aelod o banel apelau cofrestru;
- (b) ym mharagraff 2 o Atodlen 1, na chaiff y person fod yn aelod o banel apelau cofrestru yr atgyfeirir mater penodol iddo.

Personau rhagnodedig – paneli addasrwydd i ymarfer

4. Mae person a bennir yn Atodlen 2 wedi ei ragnodi at ddibenion adran 174(5)(b) o’r Ddeddf i’r graddau—

- (a) ym mharagraff 1 o Atodlen 2, na chaiff y person fod yn aelod o banel addasrwydd i ymarfer;
- (b) ym mharagraff 2 o Atodlen 2, na chaiff y person fod yn aelod o banel addasrwydd i ymarfer yr atgyfeirir mater penodol iddo.

Personau rhagnodedig – paneli gorchmynion interim

5. Mae person a bennir yn Atodlen 3 wedi ei ragnodi at ddibenion adran 174(5)(b) o’r Ddeddf i’r graddau—

- (a) ym mharagraff 1 o Atodlen 3, na chaiff y person fod yn aelod o banel gorchmynion interim;
- (b) ym mharagraff 2 o Atodlen 3, na chaiff y person fod yn aelod o banel gorchmynion interim yr atgyfeirir mater penodol iddo.

(1) Gweler adran 189 o’r Ddeddf i gael y diffiniad o “a ragnodir” a “rhagnodedig”.

Enw
Y Gweinidog Iechyd a Gwasanaethau Cymdeithasol,
un o Weinidogion Cymru
Dyddiad

Drafft 2

Personau rhagnodedig – paneli apelau cofrestru

1.—(1) Person sydd am y tro yn ymwneud ag ymchwiliad o dan adran 125 o'r Ddeddf.

(2) Person sydd am y tro wedi ei benodi'n—

- (a) asesydd neu archwiliwr, neu
- (b) cynghorydd cyfreithiol neu gynghorydd arall,

i'r panel apelau cofrestru.

2.—(1) Pan fo panel apelau cofrestru yn ystyried apêl yn unol ag adran 98 neu 99 o'r Ddeddf yn dilyn achos addasrwydd i ymarfer, ni chaiff person—

- (a) sydd ar unrhyw adeg wedi cael ei benodi i roi ystyriaeth ragarweiniol o dan adran 119 o'r Ddeddf i fater fod yn aelod o'r panel apelau cofrestru yr atgyfeirir apêl sy'n ymwneud â'r mater iddo;
- (b) sydd ar unrhyw adeg wedi bod yn ymwneud ag ymchwiliad o dan adran 125 o'r Ddeddf mewn perthynas â mater fod yn aelod o banel apelau cofrestru yr atgyfeirir apêl sy'n ymwneud â'r mater iddo;
- (c) sy'n aelod neu sydd wedi bod yn aelod o banel gorchmynion interim yr oedd ei achos yn ymwneud â mater fod yn aelod o'r panel apelau cofrestru yr atgyfeirir apêl sy'n ymwneud â'r mater iddo;
- (d) a benodir neu sydd wedi cael ei benodi'n—
 - (i) asesydd neu archwiliwr, neu
 - (ii) cynghorydd cyfreithiol neu gynghorydd arall,

i banel gorchmynion interim yr oedd ei achos yn ymwneud â mater fod yn aelod o'r panel apelau cofrestru yr atgyfeirir apêl sy'n ymwneud â'r mater iddo;
- (e) sy'n aelod neu sydd wedi bod yn aelod o banel addasrwydd i ymarfer yr oedd ei achos yn ymwneud â mater fod yn aelod o'r panel apelau cofrestru yr atgyfeirir apêl sy'n ymwneud â'r mater iddo;
- (f) a benodir neu sydd wedi cael ei benodi'n—
 - (i) asesydd neu archwiliwr, neu
 - (ii) cynghorydd cyfreithiol neu gynghorydd arall,

i banel addasrwydd i ymarfer yr oedd ei achos yn ymwneud â mater fod yn aelod o'r panel

apelau cofrestru yr atgyfeirir apêl sy'n ymwneud â'r mater iddo.

(2) Pan fo'r amgylchiadau yn is-baragraff (3) yn gymwys, person sydd ar unrhyw adeg wedi ystyried cwestiwn neu bwynt ar ran y CNB neu sydd wedi dyfarnu ar gwestiwn neu bwynt ar ei ran.

(3) Yr amgylchiadau yw—

- (a) mae'r apêl yn cael ei gwneud gan berson cofrestredig sydd hefyd wedi ei gofrestru â'r CNB; a
- (b) mae'r CNB wedi ystyried cwestiwn neu bwynt sy'n ymwneud â chofrestriad y person cofrestredig â'r CNB ac sydd hefyd yn ymwneud â'r mater neu wedi dyfarnu ar gwestiwn neu bwynt o'r fath.

ATODLEN 2 Rheoliad 4

Personau rhagnodedig – paneli addasrwydd i ymarfer

1.—(1) Person sydd am y tro yn ymwneud ag ymchwiliad o dan adran 125 o'r Ddeddf.

(2) Person sydd am y tro wedi ei benodi'n—

- (a) asesydd neu archwiliwr, neu
- (b) cynghorydd cyfreithiol neu gynghorydd arall,

i'r panel addasrwydd i ymarfer.

2.—(1) Ni chaiff person sydd ar unrhyw adeg wedi cael ei benodi i roi ystyriaeth ragarweiniol o dan adran 119 o'r Ddeddf i fater fod yn aelod o'r panel addasrwydd i ymarfer yr atgyfeirir y mater iddo.

(2) Ni chaiff person sy'n aelod neu sydd wedi bod yn aelod o banel gorchmynion interim yr oedd ei achos yn ymwneud â mater fod yn aelod o'r panel addasrwydd i ymarfer yr atgyfeirir y mater iddo.

(3) Ni chaiff person a benodir neu sydd wedi cael ei benodi'n—

- (a) asesydd neu archwiliwr, neu
- (b) cynghorydd cyfreithiol neu gynghorydd arall,

i banel gorchmynion interim yr oedd ei achos yn ymwneud â mater fod yn aelod o'r panel addasrwydd i ymarfer yr atgyfeirir y mater iddo.

(4) Pan fo'r amgylchiadau yn is-baragraff (5) yn gymwys, person sydd ar unrhyw adeg wedi ystyried cwestiwn neu bwynt ar ran y CNB neu sydd wedi dyfarnu ar gwestiwn neu bwynt ar ei ran.

(5) Yr amgylchiadau yw—

- (a) mae'r mater yn ymwneud â pherson cofrestredig sydd hefyd wedi ei gofrestru â'r CNB; a

- (b) mae'r CNB wedi ystyried cwestiwn neu bwynt sy'n ymwneud â chofrestriad y person cofrestredig â'r CNB ac sydd hefyd yn ymwneud â'r mater neu wedi dyfarnu ar gwestiwn neu bwynt o'r fath.

ATODLEN 3 Rheoliad 5

Personau rhagnodedig – paneli gorchmynion interim

1.—(1) Person sydd am y tro yn ymwneud ag ymchwiliad o dan adran 125 o'r Ddeddf.

(2) Person sydd am y tro wedi ei benodi'n—

- (a) asesydd neu archwiliwr, neu
- (b) cynghorydd cyfreithiol neu gynghorydd arall,

i'r panel gorchmynion interim.

2.—(1) Ni chaiff person sydd ar unrhyw adeg wedi cael ei benodi i roi ystyriaeth ragarweiniol o dan adran 119 o'r Ddeddf i fater fod yn aelod o'r panel gorchmynion interim yr atgyfeirir y mater iddo.

(2) Pan fo'r amgylchiadau yn is-baragraff (3) yn gymwys, person sydd ar unrhyw adeg wedi ystyried cwestiwn neu bwynt ar ran y CNB neu sydd wedi dyfarnu ar gwestiwn neu bwynt ar ei ran.

(3) Yr amgylchiadau yw—

- (a) mae'r mater yn ymwneud â pherson cofrestredig sydd hefyd wedi ei gofrestru â'r CNB; a

- (b) mae'r CNB wedi ystyried cwestiwn neu bwynt sy'n ymwneud â chofrestriad y person cofrestredig â'r CNB ac sydd hefyd yn ymwneud â'r mater neu wedi dyfarnu ar gwestiwn neu bwynt o'r fath.